

LÎTES DE COMUN: en dedolönesc, ai 24 de forà, s'abina chi da San Martin dales 20.30 tl salf dl consëi de comun por odëi chi che ess interès da stè sön lista. Chi che à ciafè n maiù numer de usc é inçe gnüs invia personalmënter. D'atri/d'atres che foss a despo-siziun por candidé, é sambëgn inçe dër bel invia/ades.

Invit ala **incuntada di vëdui, vëdues y porsones sores**, en domënia ai 8 de merz, dales 9.30, a Porsenù tl Academia Cusanus: Mëssa cun siur Josef Stricker, referat de siur degan Bernhard Holzer. Prenotésse cina ai 4 de merz pro osta rapresentanta dl KVV. Le iade é debann, la marëna costa 16 €. Orar dl bus: Picolin 7.40.

Les Patrones da S. Martin de Tor invieia eres y ëi al **peregrinaje a Spinges** ai 6 de merz. I piun ia da Lungiarü dales 8.30 y da San Martin dales 8.40 sot la dljia. Info y prenot. cina al 1 de merz pro Loise 0474 590 026 o pro Lucia 338 99 183 26.

En domënia, ai 8 de merz, gnaral venü a San Martin, Lungiarü y Antermëia do messa primules y “Stiefmütter” por la **Krebshilfe**. Dilan de osc contribut.

SAN MARTIN

I orun tó sö l'audanza de **siur Iaco che ess tan ion ch'i jissun plü dant te dljia**, plü daimprò al altè. Sc'i jissun tles proches vedles inçe ma de trëi proches plü inant ciaràssera fora bel cotan atramënter te dljia. - I ciantun y rengraziun che Gejù nes à invie a past incër süa mësa y deperpo stunse dalunc. Siur Iaco à inçe invie les families da stè deboriada cun i mituns te dljia y da jí sö dant impede stè iadedò o sön dessura.

Referat por i seniors cun le cardiologh dr. Felix Pescoller en domënia, ai 8 de merz, do la gran mëssa (ca. 10.30) tl local di seniors tla ex-scola elementara a San Martin, cun la poscibilitè de mosoré la presciun.

Le Sorvisc ai Jogn chir jogn y jones de majera eté che à ligrëza da laurè cun mituns y mitans sciöche animadus/esses pro **l'Isté Deboriada 2015**. Info 0474 523 070 (lön-jöb: 08.00-12.00 y 13.00-17.00 o info@jogn.org. Termo por les domandes é le 27 de forà.

I ves periun de inseri ostes **manifestaziuns por l'aisciöda 2015** tla plata internet www.manif.it o de les menè al Sorvisc Formaziun cina ai 2 de merz. Döt ci che gnarà inseri o dè jö do chësta data gnarà ma plü publiché söla plata Internet. Manifestaziuns nia publicades söla plata internet ne ciafa degun contribut dai Consëis de Formaziun. Info Sorvisc Formaziun 0474 524 022. I sperun te na buna colauraziun cun les uniuns.

Cursc d'aisciöda de lingac y de chitara tl Istitut Ladin a San Martin

Curs de rus (Russkij A1.2) cun Victoria Kustovinova le lönesc dai 16 de merz ai 8 de jügn dales 18.00-19.30; cost 83 euro; info y iscriziun: 0472 836 424 / bixen@volkshochschule.it

Curs de ladin por prinzipianc cun Xenia Ruggeri vigni dedolönesc y jöbia dai 7 d'auri ai 7 de mà dales 18.00-20.00; info y iscriziun: 0474 523 110 / formaziun.vb@micura.it

Curs d'inglese de deplü livi cun Dunn Alan vigni dedolönesc dai 14 d'auri ai 16 de jügn dales 18.00-20.00; cost 130 euro; iscriziuns cina ai 4 d'auri 0474 523 110 / formaziun.vb@micura.it

Curs de todësch A1.2 cun Hildegard Crazzolaro vigni lönesc y dedemesaledema dai 20 d'auri ai 20 de jügn dales 18.00-20.00; cost 165 euro; info y iscriziun: 0472 836 424 / bixen@volkshochschule.it

Curs de chitara classica o acustica da accompagnè cianties por gragn cun Jean Daniel Granruaz vigni dedolönesc dai 7 d'auri ai 26 de mà dales 19.00-21.00; cost 122 euro; info y iscriziun: 0472 836 424 / bixen@volkshochschule.it

22.2. - 1.3.2015 - nr. 13

Plata dla Cöra
termo por publiché: jöbia dales 20.00 **de San Martin y Lungiarü**

1ª Domënia de Carsëma - B

Merch 1,12-15

Te chël tēp

à le Spirit condüt Gejù tl desert.

Dailò é Gejù restè caranta dis alalungia

y é gnü tentè dal malan.

Al viô pro i tiers salvari,

y i agnui le sorvî.

Do ch'an â sciurè Jan te porjun,

é Gejù indô jü tla Galilea;

al incundâ le vagnele de Dî

y dijô:

Le tēp é complî, le règn de Dî é daimprò.

Convertisse, y cherededi al vangele.



Le vangele da incö é cört y concret y toca l'ôs, degöna parora demassa, degügn ornamënc, sciöche n agü mazè te na brëia o na odla ch'an se ficia.

Al é la maniera tipica de scrî dl vangelist Merch.

Dl ater vers podess chësc vangele inçe avëi la merscia sëcia y süta dla Carsëma che à metü man y che nes invieia da nes concentrè sön l'essenzial.

Cun püces risses dij le vangelist cosses importantes porsura Gejù:

Gejù va inant tla tradiziun di profec, dantadöt de Jan Batista,

che chir cina a funz Idî y süa orentè.

Gejù savô, te süa natöra umana, ci che sëcia y süta orô di, y sintî la tentaziun.

Tl tēp che se complësc, invieiel ia na eté nōia

y te dōta süa vita in stradëiel la jënt tl vers dl règn de Dî.

Y chësc vangele dij inçe val' de nos,

de nos, ch'i porvun da s'orientè sëgn de Carsëma sön Gejù Crist.

Convertisse, dede ota!

Chësc ó di, mudesse, ne stede a ester massa pici y strënc te osc ponsè,

jide sura üsc confins vedli fora, esse crëta, edi crëta ala vita y a Dî.

Cherededi al vangele, cheredede finalmënter che Idî ó veramënter le bun,

le iüst, na vita implida por os y por dōta la jënt.

Chësc é l'invit dla Carsëma.

Ploan: siur Iaco Ploner ploner.jakob@aruba.it
tel.: 333 48 32 765 / 0474 453 003

Redaziun: T. Gasser anton.gasser@rolmail.net
tel.: 348 27 44 517 / 0474 523 194

	SAN MARTIN		LUNGIARÜ
22.02.15 1^a Domënia de Carsëma <i>Domënia dla Dlijia te ćiasa</i>	9.00 Staziuns (Uniun dles Ęres) 9.30 Gran Mëssa dla comunité aniv. Hannele Trebo dl Tasser 19.00 Oraziun te familia	22.02.15 Domënia	7.55 Staziuns 8.15 Gran Mëssa dla comunité 19.00 Oraziun te familia
23.02.15 Lönesc <i>Policarp, Otto, Romana</i>		23.02.15 Lönesc	19.30 Cërtrl dla Bibla cun siur Iaco Ploner te calonia
24.02.15 Dedolönesc <i>Matia apostul, Ida, Irmengard</i>	19.00 Mëssa + + Hanele y Sciandro Trebo + + dla fam. Claudio Moling + + Fonjo y Maria Unterweger 19.30 Cërtrl dla Bibla te calonia cun siur Pire Irsara	24.02.15 Mertesc	16.30 Staziuns
25.02.15 Dedemesaledema <i>Valburga, Adeltrud</i>	19.30 Staziuns	03.12.14 Mercui	7.30 Mëssa + + Agostin y Maria Daporta + Pire Mischi + Zilia y Vittoria Clara
26.02.15 Jöbia <i>Ulrich, Matilda, Adalbert, Alexander</i>	7.30 Mëssa aniv. Carlo Clement + Nane Zingerle + siur Heinrich Videsott Corona por vocaziuns	26.02.15 Jöbia	7.30 Zelebrazium dla Parora de Dî
27.02.15 Vëndres <i>Markward, Iulian, Rupert, Augustin</i>	19.00 Adoraziun eucaristica 19.30 Zelebrazium dla Parora de Dî	27.02.15 Vëndres	7.30 Mëssa aniv. Costantino Mischi + Clara Pedevilla
28.02.15 Sabeda <i>Roman, Silvana, Elisabeta, Oswald, August</i>	9.00 Istruziun di cresimané 15.30 Mëssa tla Ćiasa de Palsa 18.30 Mëssa prefestia fam. Paul Planatscher (a d’intenziun) aniv. Rita Costabiei + Notburga Pedevilla, Preroman + Giovanni Vanzi	28.02.15 Sabeda	19.30 Staziuns 20.00 Mëssa prefestia aniv. Serafin Clara + + Heinrich y Anastasia Schanung
01.03.15 2^a Domënia de Carsëma	9.00 Staziuns 9.30 Gran Mëssa dla comunité 10.30 Istruziun por les ěres te dljia <i>cun oferta por la Uniun</i>	01.03.15 Domënia	7.55 Staziuns 8.15 Gran Mëssa dla comunité